

中国古代书家小楷精选

ZHONGGUOGUJIA SHUJIA XIAOKAI JINGXUAN DONGJIN WANGXIZHI

东晋 王羲之


小

楷

精

选

佛遗教经



(一)

本社编



江西美術出版社
全国百佳出版单位

中国
古代
书家
小楷
精选
系列

东晋王羲之 小楷精选

(一)

本社
编

江西美术出版社
全国百佳出版单位

佛遗教经

释迦牟尼佛初转法轮，度阿若憍陈如，最后说法，度须跋陀罗。所应度者，皆已度讫，于娑罗双树间，将入涅槃。是时中夜，寂然无声，为诸弟子略说法要：

汝等比丘，于我灭后，当尊重珍敬波罗提木叉，如暗遇明，贫人得宝，当知此则是汝等大师，若我住世无异此也。持净戒者，不得贩卖贸易，安置田宅，畜养人民、奴婢、畜生。一切种植及诸财宝，皆当远离，如火坑。不得斩伐草木，垦土掘地。合和汤药，占相吉凶，仰观星宿，推步盈虚，历数算计，皆所不应。节身时食，清淨自活。不得参预世事，通致使命。咒术仙药，结好贵人，亲厚媿媿，皆不应作。当自端心正念求度，不得包藏瑕疵，显异惑众。于四供养知量知足。趣得供事，不应畜积。此则略说持戒之相。戒是正顺解脱之本，故名波罗提木叉。因依此戒，得生诸禅定及灭苦智慧。是故比丘当持净戒，勿令毁缺。若人能持净戒，是则能有善法。若无净戒，诸善功德皆不得生。是以当知，戒为第一安隐功德住处。

汝等比丘，已能住戒，当制五根，勿令放逸，入于五欲。譬如牧牛之人执杖视之，不令纵逸，犯人苗稼。若纵五根，非唯五欲，将无涯畔，不可制也。亦如恶马，不以辔制，将当牵人坠于坑塹。如被劫害，苦止一世。五根贼祸，殃及累世，为害甚重，不可不慎。是故智者制而不随，持之如贼，不令纵逸；假令纵之，皆亦不久见其磨灭。此五根者，心为其主，是故汝等当好制心。心之可畏，甚于毒蛇、恶兽、怨贼，大火越逸，未足喻也。譬如有人手执蜜器，动转轻躁，但观于蜜，不见深坑。又如狂象无钩，猿猴得树，腾跃踰蹕，难可禁制。当急挫之，无令放逸。纵此心者，丧人善事。制之一处，无事不辨。是故比丘，当勤精进，折伏汝心。

汝等比丘，受诸饮食，当如服药，于好于恶，勿生增减，趣得支身，以除饥渴。如蜂采花，但取其味，不损花香。比丘亦尔，受人供养，趣自除恼，无得多求，坏其善心。譬如智者，筹量牛力所堪多少，不令过分以竭其力。

汝等比丘，昼则勤心修习善法，无令失时，初夜后夜，亦勿有废。中夜诵经，以自消息。无以睡眠因缘，令一生空过，无所所得也。当念无常之火，烧诸世间，早求自度，勿睡眠也。诸烦恼贼，常伺杀人，甚于冤家，安可睡眠，不自警寤。烦恼毒蛇，睡在汝心，譬如黑虺，在汝室睡。当以自持戒之钩，早并除之。睡蛇既出，乃可安眠。不出而眠，是无惭人。惭耻之服，于诸庄严最为第一。惭如铁钩，能制人非法。是故比丘，常当惭耻，无得暂替；若离惭耻，则失诸功德。有愧之人，则有善法；若无愧者，与诸禽兽无相异也。

汝等比丘，若有人来节节支解，当自摄心，无令嗔恨，亦当护口，勿出恶言。若纵恚心，则自妨道，失功德。

利。忍之为德，持戒苦行所不能及。能行忍者，乃可名为有力大人。若其不能欢喜忍受恶骂之毒如饮甘露者，不名入道智慧人也。所以者何？嗔恚之害，则破诸善法，坏好名闻。今世后世，人不喜见。当知嗔心，甚于猛火，常当防护，勿令得入。劫功德贼，无过嗔恚。白衣受欲，非行道人，无法自制，嗔犹可恕。出家行道，无欲之人，而怀嗔恚，甚不可也。譬如清冷云中，霹雳起火，非所应也。

汝等比丘，当自摩头，以舍饰好，着坏色衣，执持应器，以乞自活，自见如是。若起憍慢，当疾灭之。增长憍慢，尚非世俗白衣所宜，何况出家入道之人，为解脱故，自降其身而行乞耶！

汝等比丘，谄曲之心与道相违，是故宜应质直其心。当知谄曲但为欺诳，入道之人则无是处。是故汝等，宜应端心以质直为本。

汝等比丘，当知多欲之人，多求利故，苦恼亦多；少欲之人，无求无欲，则无此患。直尔少欲，尚应修习，何况少欲能生诸功德！少欲之人，则无谄曲以求人意，亦复不为诸根所牵。行少欲者，心则坦然，无所忧畏，触事有余，无常不足。有少欲者，则有涅槃。是名少欲。

汝等比丘，若欲脱诸苦恼，当观知足。知足之法，即是富乐安稳之处。知足之人，虽卧地上，犹为安乐；不知足者，虽处天堂，亦不称意。不知足者，虽富而贫；知足之人，虽贫而富。不知足者，常为五欲所牵，为知足者之所怜愍。是名知足。

汝等比丘，欲求寂静无为安乐，当离愤闹，独处闲居。静处之人，帝释诸天所共敬重。是故当舍己众他众，空闲独处，思灭苦本。若乐众者，则受众恼。譬如大树，众鸟集之，则有枯折之患。世间缚着，没于众苦，譬如老象溺泥，不能自出。是名远离。

汝等比丘，若勤精进，则事无难者。是故汝等，当勤精进。譬如小水常流，则能穿石。若行者之心数数懈怠，譬如钻火，未热而息，虽欲得火，火难可得。是名精进。

汝等比丘，善求知识，求善护助，无如不忘记。若有不忘记者，诸烦恼贼则不能入。是故汝等，常当摄念在心。若失念者，则失诸功德。若念力坚强，虽入五欲贼中，不为所害。譬如着铠入阵，则无所畏。是名不忘记。

汝等比丘，若摄心者，心则在定，心在定故，能知世间生灭法相。是故汝等，常当精进，修习诸定。若得定者，心则不散。譬如惜水之家，善治堤塘。行者亦尔。为智慧水故，善修禅定，令不漏失。是名为定。

汝等比丘，若有智慧，则无贪著。常是省察，不令有失。是则于我法中，能得解脱。若不尔者，既非道人，又非白衣，无所名也。实智慧者，则是度老病死海坚固船也，亦是无明黑暗大明灯也，一切病者之良药也，伐

烦恼树之利斧也。是故汝等，当以闻思修慧而自增益。若人有智慧之照，虽是肉眼，而是明见人也。是为智慧。汝等比丘，若种种戏论，其心则乱。虽复出家，犹未得脱。是故比丘，当急舍离乱心戏论。若汝欲得寂灭乐者，唯当善灭戏论之患。是名不戏论。

汝等比丘，于诸功德，常当一心。舍诸放逸，如离怨贼。大悲世尊所说利益，皆已究竟，汝等但当勤而行之。若于山间，若空泽中，若在树下，闲处静室，念所受法，勿令忘失。常当自勉，精进修之。无为空死，后致有悔。我如良医，知病说药，服与不服，非医咎也。又如善导，导人善道，闻之不行，非导过也。

汝等若于苦等四谛有所疑者，可疾问之。无得怀疑不求决也。尔时，世尊如三唱，人无问者。所以者何？众无疑故。时阿菟楼駄观察众心，而白佛言：『世尊，月可令热，日可令冷。佛说四谛，不可令异。佛说苦谛，实苦，不可令乐。集真是因，更无异因；苦若灭者，即是因灭，因灭故果灭。灭苦之道，真是真道，更无余道。世尊，是诸比丘，于四谛中，决定无疑。』

于此众中，若所作未办者，见佛灭度，当有悲感。若有初入法者，闻佛所说，即皆得度。譬如夜见电光，即得见道。若所作已办，已度苦海者，但作是念：『世尊灭度，一何疾哉！』阿菟楼駄虽说此语，众中皆悉了达四圣谛义。世尊欲令此诸大众皆得坚固，以大悲心复为众说。汝等比丘，勿怀悲恼。若我住世一劫，会亦当灭。会而不离，终不可得。自利利人，法皆具足。我若久住，更无所益。应可度者，若天上人间，皆悉已度。其未度者，皆亦已作得度因缘。

自今已后，我诸弟子展转行之，则是如来法身常在，而不灭也。是故当知，世皆无常，会必有离，勿怀忧恼。世相如是，当勤精进，早求解脱，以智慧明灭诸痴暗。世实危脆，无牢强者。我今得灭，如除恶病。此是应舍罪恶之物，假名为身，没在老病生死大海。何有智者得除灭之，如杀怨贼而不欢喜？

汝等比丘，常当一心勤求出道。一切世间动不动法，皆是败坏不安之相。汝等且止，勿得复语。时将欲过，我欲灭度。是我最后之所教诲。

永和十二年六月旦日 山阴王羲之书

佛寶教經

釋迦牟尼佛初轉法輪度阿若憍陳如最後說
法度須跋陀羅所應度者皆已度訖於娑羅雙
樹間將入涅槃是時中夜寂然無聲為諸弟子
略說法要汝等比丘於我滅後當尊重珍敬
波羅提木叉如闇遇明貧人得寶當知此則是
持淨戒者不



得販賣貿易安置田宅畜養人民奴婢畜生一
切種植及諸財寶皆當遠離如被火坑不得斬
伐草木墾土掘地合和湯藥占相吉凶仰觀星
宿推步盈虛曆數筭計皆所不應節身時食
清淨自活不得參預世事通致使命呪術仙藥
結好貴人親厚媒娼皆不應作當自端心正念
求度不得包藏瑕庇顯異惑衆於四供養知量

知足趣得供事不應畜積此則畧說持戒之相
戒是正順解脫之本故名波羅提木叉因依此戒
得生諸禪定及滅苦智慧是故比丘當持淨戒
勿令毀缺若人能持淨戒是則能有善法若無
淨戒諸善功德皆不得生是以當知戒為第一安
隱功德住處汝等比丘已能住戒當制五根勿
令放逸入於五欲譬如牧牛之人執杖視之不令縱

逸犯人苗稼若縱五根非唯五欲將無涯畔不可
制也亦如惡馬不以轡制將當牽人墜於坑塹如
被割害苦也一世五根賊禍殃及累世為害甚重
不可不慎是故智者制而不隨持之如賊不令縱逸
假令縱之皆亦不久見其磨滅此五根者心為其
主是故汝等當好制心心之可畏甚於毒蛇惡獸
怨賊大火越逸味足喻也譬如有人手執蜜器

動轉輕踪但觀於蜜不見深坑又如狂象無鈎
猿猴得樹騰躍踔躑難可禁制當急挫之無
令放逸縱此心者喪人善事制之一處無事不
辨是故比丘當勤精進折伏汝心汝等比丘
受諸飲食當如眼藥於好於惡勿生增減趣得
支身以除飢渴如蜂採花但取其味不損色香
比丘亦勿受人供養趣自除惱無得多求壞其

善心譬如智者籌量牛力所堪多少不令過分
以竭其力 汝等比丘晝則勤心脩習善法無令
失時初夜後夜亦勿有廢中夜誦經以自消息無
以睡眠回緣令一生空過無所得也當念無常之
火燒諸世間早求自度勿睡眠也諸煩惱賊常
伺殺人甚於冤家安可睡眠不自警寤煩惱毒
蛇睡在汝心譬如黑蛇在汝室睡當以自持戒

之鉤早併除之睡蛇既出乃可安眠不出而眠
是無慙人慙耻之眼於諸莊嚴最為第一慙如鐵
鉤能制人非法是故比丘常當慙耻無得暫替
若離慙耻則失諸功德有愧之人則有善法若
無愧者與諸禽獸無相異也 汝等比丘若有
人來節節支解當自攝心無令嗔恨亦當護口
勿出惡言若縱恚心則自妨道失功德利忍之

為德持戒苦行所不能及能行忍者迺可名為
有力大人若其不能歡喜忍受惡罵之毒如飲
甘露者不名入道智慧人也所以者何嗔恚之害
則破諸善法壞好名聞今世後世人不喜見當
知嗔心甚於猛火常當防護勿令得入劫功德
賊無過嗔恚白衣受欲非行道入無法自割嗔
猶可恕出家行道無欲之人而懷嗔恚甚不可

也。譬如清冷雲中霹靂起火，非所應也。汝等
比丘當自摩頭以捨飭，好著壞色衣，執持應器，
以乞自活。自見如是，若起憍慢，當疾滅之。增長憍
慢，尚非世俗白衣所宜，何況出家入道之人，為解
脫故，自降其身而行乞耶？汝等比丘，諂曲之心
與道相違，是故宜應質直其心。當知諂曲但為
欺誑入道之人，則無是處。是故汝等宜應端心，以

質直為本。汝等比丘當知多欲之人多求利故
苦惱亦多。少欲之人無求無欲則無此患。直爾少
欲尚應脩習。何況少欲能生諸功德。少欲之人則
無諂曲以求人意。亦復不為諸糧所牽。行少欲者心
則坦然。無所憂畏。觸事有餘。無常不足。有少欲
者則有涅槃。是名少欲。汝等比丘若欲脫諸苦
惱當觀知足。知足之法即是富樂安隱之處。知足

之人雖臥地上猶為安樂不知足者雖處天堂亦
不稱意不知足者雖富而貧知足之人雖貧而富
不知足者常為五欲所牽為知足者之所憐愍是
名知足 汝等比丘欲求寂靜無為安樂寧靜雖
憤鬧獨處閑居靜處之人帝釋諸天所共敬重是
故當捨己眾他眾空閒獨處思滅苦本若樂眾者
則受眾惱譬如大樹眾鳥集之則有枯折之患世

問縛着沒於衆苦譬如老象溺泥不能自出是名
遠離汝等比丘若勤精進則事無難者是故
汝等當勤精進譬如小水常流則能穿石若行者
之心數懈廢譬如鑽火未熟而息雖欲得火難
可得是名精進汝等比丘善求知識求善護助
無如不思念若有不思念者諸煩惱賊則不能入是
故汝等常當攝念在心若失念者則失諸功德若